

րեւելեան Հայաստանում, չունենալով իրեն օժանդակ եւ աջակից գրականութիւնը, չկարողացաւ լայն ժողովրդականութիւն ձեռք բերել եւ դառնալ ամբողջ ազգի կամ գոնէ նրա ընդարձակ զանգուածների սեպհականութիւնը, այլ ամփոփուեց ու մնաց միմիայն Ղարաբաղի ու Սիւնիքի լեռներում, որով եւ նրա փորձերը ձախողեցին:

Ահաւաստիկ Շահամիրեանին է պատկանում այդ երկու բաժան-բաժան շարժումները միացրելու եւ իրար հետ ձուլելու զեղեցիկ դադափարն ու նախաձեռնութիւնը¹⁾:

ԳՐՈՒԹԵԱՆ ՇԱՐՃԱՌՈՒԹՆԵՐԸ

«Որ. Փառացի»-ի տեսնում ենք, որ հայրենիքի ցաւը եւ նրան դարձան առաջարկելու միտքը երկար ժամանակներից ի վեր գրադեցրնում էր Շահամիրեանին: Նա փափաղում էր «ամբողջ ազգի ականջին» անմիջականօրէն խօսել իրան այրող խոհերն ու մտածութիւնները, բայց գտնում է անհնարին, որ «մէկ մարդու բերանը կարողանայ խօսել մի ամբողջ ազգի ականջին» (130): Այլեւս ուրիշ ելք չկար, բայց եթէ դրչին յանձնել իրան գրադեցնող խնդիրները, որպէսզի ազգը, տեսնելով իր շարադրութիւնը, «միտ բերի դուռն ազատութեան, ճարն անճարի եւ հնարն անհնարի եւ գտանի ճանապարհ հեշտալի վասն ազատութեան» (23):

Սակայն եւ այնպէս երկար ժամանակ նա տատանում է եւ գրել չի համարձակւում — նախ՝ համեստութիւնից դրդուած, որովհետեւ ինքը «փոքրիկն» է հայոց. երկրորդ՝ անպատրաստ լինելով նման մեծ գործի համար, վախենում է բերան բանալ՝ «երբեմն ծերերի ամօթից, երբեմն բռնաւորների երկիւղից եւ երբեմն հասարակ ժողովրդի նախանձից» (37): Նա երկար աշխատում է ուրիշներին գործի դնել, աւելի կարողներին եւ հեղինակաւորներին, մանաւանդ տեսնում էր, որ իր պէս չատերն են, որոնց սիրտը նոյնպէս «սոռչորում էր հայրենիքի սիրով» (22):

Նա շատ ջանաց յատկապէս մեր «վարպետներից» եւ դպիրներից ոմանց վրայ դնել այդ պարտականութիւնը, իրանց սրտում բարի նա-

խանձ գրգռելով, բայց ապարդիւն: Ոչ ոք չի համաձայնեց նման մի պատասխանատուութիւն յանձն առնել: «Ես անկարող եղայ մեր վարպետներից ու դպիրներից մէկն ու մէկի նախանձը շարժել այսպիսի մի գործի համար» (112) — գրում է նա, դառն փորձերից յուսաստահատուած: Ամէնքն էլ, թէեւ «անձամբ բարեպաշտ եւ կատարեալ սիրով կապակցեալ ընդ ազգս մեր եւ ընդ աշխարհ հայոց եւ կարող ճանաչել զեղ տկարութեան մերոյ», բայց ամէնքն էլ հրաժարուեցին, բաւականանալով միայն «սխուր դէմքով հոգւոց հանելով» եւ դրանով յոյց տալով իրենց «պատուական սիրտը» (37):

Բայց ազգի ցաւերն ու սէրը հանգստութիւն չեն տալիս նրան: Վերջ ի վերջոյ յուսահատ ամէնքից, որոչում է ինքը գրել, յանձն առնելով «թէ ծաղր եւ թէ ամէն տեսակ նախատական խօսքեր» (112), մանաւանդ որ գործի համար անհրաժեշտ փորձառութիւնը մասամբ արդէն ունէր: Իր կեանքի ընթացքում շատ բան տեսնելով, շատ բան լսելով, շատ բան կարդալով եւ լուսաւոր ազգերի մէջ ապրելով, նա իր սեպհական աչքերովը տեսել էր թէ ինչպէս «բարեպէս կառավարուող» երկրներում բոլոր դժուարութիւնները հեշտանում են. տեսել էր «ազատութեան պահպանման կարելիութիւնը» եւ այն «անխախտ միջոցները» — ինքը «անփրձանելի որոգայթ» է անուանում — որ «բոլոր չարագործ եւ վատթար մարդկանց դարձնում են բարի գործողներ» (22):

Միւս կողմից՝ նա մտածում է, թէ իր եղբայրները, վաղուց հետէ օտարի լուծի տակ ապրելով, մի գուցէ արդէն ընտելացած լինեն իրենց ստրկական լիճակին եւ մոռացած «հրնարն փրկելոյ զանձինս իւրեանց»:

Երրորդ կողմից՝ իրեն բարոյապէս պարտաւոր է գգում որեւէ ձեւով օգտակար լինելու իր հայրենիքին: Չլինելով Հայաստանում պաշտօնեայ, եկեղեցական կամ գինուորական, չլինելով նոյնիսկ սովորական քաղաքացի իր բուն հայրենիքում, նա զիտակցում է, որ ինքը որեւէ ծառայութիւն զեռ չի մատուցել իր ազգին: Դրա հետ միասին նա գիտէ, որ մարդուս կեանքը կարճատեւ է, մարդարէի ստածին պէս՝ 70 տարի. գիտէ, որ մարդը ենթակայ է բազմազան փորձանքների ու պատահականու-

1) Լէօ՝ «Հայկ. Տպագր.» Բ.